

泰國頂尖團隊助陣拍MV

鄭秀文揪出「心魔」 震到毛管戲

將於七月在紅館舉行一連十三場演唱會的天后鄭秀文(Sammi)日前推出新歌《心魔》，MV昨日正式上架。她專程飛到泰國拍MV，整個拍攝團隊及舞者都是泰國最頂尖陣容。她坦言與40位舞者一齊演出時心情激動，勾起她埋藏深處的情緒，某些場面更拍到毛管戲，覺得很震撼！

■鄭秀文與泰國頂級舞者合作拍MV。


鄭秀文透露《心魔》MV拍攝手法破格，充滿電影感，是她入行以來從未試過。由於泰國之行行程緊密，黃昏抵達當地後，她即到酒店試造型，翌日早上9時便埋位拍攝。當日氣溫高達36度，Sammi一直在戶外拍攝，凌晨1時才收工。為了在演唱會保持最佳狀態，Sammi未有機會品嚐當地美食，但她覺得一切辛苦都是值得。

花45分鐘「紋身」

她說：「其實好多唯美畫面，亦有勾畫心魔嘅意境、意象，呢啲意象都係用人嚟堆砌。我哋搵咗40位Dancers拍，即使係一個好簡單嘅動作，人多動作又齊整嘅時候，就有一種好強大概震動感覺。」Sammi於

MV中有多個獨特造型，其中一件大褸因重量十足，令她舉步難行，其身上的紋身貼紙亦要花近45分鐘貼上，每一個造型、細節都非常用心。

能夠順利完成《心魔》MV，Sammi非常感謝唱片公司支持，她說：「整個MV嘅籌備過程，我交晒畀經理人處理，要多謝唱片公司支持我，咁大個團隊嚟泰國拍攝。至於我嘅準備係諗到歌曲混音部分，點樣做先可以將歌曲嘅意境提升？點樣將歌詞同音樂嘅靈魂完全呈現？仲有造型都好多同特別。去到現場，最震撼係舞蹈，甚至對嘴唱歌，有好多連我都意想不到，勾起我好深、好Deep嘅情緒走出嚟，令到畫面好強烈，因為嗰刻情感係真實，Dancers亦都係帶住豐富情緒演繹，某啲場面有啲毛管戲，一切都來自真摯嘅情緒。」



■《心魔》MV有不少唯美畫面。

■為了備戰演唱會，鄭秀文不敢放肆吃泰國美食。



蕭正楠黃翠如放閃 方力申頂唔順

蕭正楠、滕麗名昨日為方力申(小方)和黃翠如主持的飲食節目《拍檔廚房》錄影，滕麗名笑言難度最高是要在5分鐘內完成一道菜，結果她決定煮拿手的炸墨魚滑。小方讚阿滕做事認真，兩日前已來視察場地和偷師：「我對阿滕有信心，知道佢贏硬，因為翠如話唔可以偏心揀阿蕭，若非我親眼見到，都諗唔到佢咁咁恩愛，成日眉目傳情又有小動作交流，我都睇到頂唔順！」

阿蕭原本打算煮酸菜魚，但與師傅商量後決定煮鹹酸菜炒菜甫，他說：「因為早兩日大風大雨就係屋企煲粥，打開雪櫃見有咩就拎出嚟炒，估唔到翠如讚好豐盛。」對於小方投訴阿蕭跟翠如經常放閃，翠如呼冤說：「我哋連眼神接觸都有，我亦有偷拍，係明拍，因為我要影低食物相，兩隊嘉賓煮嘅菜式都好靚。」



■左起：滕麗名、黃翠如、蕭正楠與方力申合作拍節目。

■洗靖峰與鼎爺分享防騙心得。



洗靖峰遇電騙勁緊張

李家鼎(鼎爺)與洗靖峰昨日拍攝《警聲百二秒II》，提到近期電騙猖獗，鼎爺自言不會用電腦上網，奉勸大家防騙最重要是不貪心，因為貪字得個貧。洗靖峰表示以前收過詐騙電話，指他有未收郵包，他很緊張問父母，雖然雙親叫他不用理會，但當時年紀小，一直在想有什麼東西未領。現在成為藝人，可會否擔心被人拿他的肖像去行騙？洗靖峰說：「的確好容易發生，依家互聯網訊息流通，唯有自己小心，行得正、企得正，光明正大。」

ANSONBEAN「糕」招爆肌

陳毅樂(ANSONBEAN)最近獲男士美容中心邀請任代言人拍廣告，連紅隧口也擺放超大型廣告版，非常搶眼。他說：「除咗西裝造型感覺優雅，都有着背心，有少少Sexy嘅新鮮感。平時都有健身，但今次就用咗幾特別嘅方法，教練教我拍攝前一日唔飲水，到拍嗰日食咗一個黑森林蛋糕，令到糖分上升，肌肉脹大，出嚟效果好滿意。」廣告主題『Don't limit yourself』是ANSONBEAN的座右銘之一，他說：「我覺得任何時候都唔可以令自己定型，要保持進步。」



■陳毅樂一向有健身習慣。